

28.09.2020.

Bosansko-podrinjski kanton Goražde jedan je od prvih kantona koji su djelovali i pomogli privredi i privrednim subjektima te prvi koji su isplatili sredstva privrednicima u ublažavanju posljedica izazvanih pandemijom Covid-a 19



Na sjednici je pored Izvještaja o radu za 2019.godinu i Programa rada Ekonomsko-socijalnog vijeća BPK Goražde za 2020.godinu razmatrana i Informacija o implementaciji Zakona o ublažavanju negativnih posljedica uzrokovanih stanjem nesreće.

Prema riječima ministra za privredu BPK Goražde Mensada Arnauta, Bosansko-podrinjski kanton Goražde je jedan od prvih kantona koji je uspješno implementirao Zakon o ublažavanju negativnih ekonomskih posljedica izazvanih stanjem nesreće.



„Sredstva koja su planirana po Zakonu o ublažavanju negativnih posljedica izazavanih stanjem nesreće takozvanim „Covid zakonom“ u iznosu od 640.000 KM, a koja su namijenjena kao pomoć privredi i obrtu u BPK-a u potpunosti su implementirana. Obuhvaćeni su svi oni privredni subjekti i obrtnici koji su imali određene zabrane ili koji nisu radili u određenim mjesecima zbog poštivanja naredbi Federalnog i Kantonalnog štaba civilne zaštite, kao i oni privredni subjekti i obrtnici čiji rad nije bio zabranjen naredbama ali su zbog provođenja naredbi imali otežane uslove rada, što je za posljedicu imalo pad prihoda. Svi oni dobili su podršku iz budžeta BPK Goražde, iznos od 406 KM po radniku za subvencioniranje minimalne neto plate.

